

RESTAT in hac Tabula *Achaia*, Græciæ regio. Hanc Ptol. *Helladem* quoque nominat. *Meram Græciam* vocat Plin. Cæcilius in epistolis. Terminatur a Septentrione Thessalia juxta amnem Sperchium, Sinum Maliacum, & Oetam Montem, ab Occasu Acheloo amne, ultra quem mox Epiri tractus incipit: quæ Oriens est, nonnihil in Septentrionem reflectendo *Ægæo* Pelago, & Myrtoo pulsatur usque ad *Sunium* Promontorium, nunc *Capo delle Colonne*: qua Meridies est Peloponnesum habet objectam Isthmo conjunctam. Regiones apud Scriptores hic 1 x reperio, quæ sunt *Doris* regio juxta Parnassum. *Ætolia* ad *Evenum* fl. Hæc ad Arcum plana, & fertilis, ad Austrum aspera ac sterilis. Multas vetustissimas habuit urbes, inter quas præstantissima fuit *Calydon*, quæ hodie cum reliquis in ruinis jacet. Hanc regionem *Evenus* liquidissimus amnis perfluit, qui in mare devolvitur. *Locrorum* & *Opuntiorum* regio, aspera erat, quorum *Amphissa* Vrbs maxima & nobilissima. In hac etiam *Naupactus*, quam alii in *Ætolia* locant. *Phocis* juxta Parnassum montem. Vrbs ejus *Delphi*, ubi Templum Apollinis sumptuosissimum & Oraculum. *Boeotia*, inter montes sita agro potitur humido & paludoso, sed pingui & frugibus sæcundo. Vrbes *Aspera* ad Heliconis radices, Hesiodi patria. *Orcomenus*, Tiresiæ oraculo clara. *Theba*, quæ neque Athenis cedebant olim claritate, Plinio prodente. Multorum illustrium Virorum patria. Nunc vero prostrata & diruæ jacent. *Cheronea*, patria Plutarc. *Plataea* memorabili victoria Græcorum Duce Pausania adversus Mardonium nobilis. *Tanagra* Vrbs superstitiosissima. *Aulis*, ubi Græci ad Troiam profecturi congregati fuere. *Attica*, terra sterilis ac silvosa. Vrbs primaria *Athens*, Pomponio clariore quam ut indicari egeant. Euripidi apud Athenæum Græciæ Gracia, seu Græciæ compendium. Valde prædicat illam urbem Cic. oratione pro L. Flacco: lib. 11 de Legibus, & in Dialogo de partitione. Fuerent & *Marathon* celebri Miltiadis victoria notissima. Et *Eleusis* clara sacris Ceteris quæ *Eleusinia* dicta fuere. *Megaris*, a Steph. aspera vocatur. Hujus Vrbs *Megara* quæ ipsi regioni nomen dedit juxta Isthmum posita. Fluvii Achaia celebriores sunt: *Ismenus*, Thebas urbem adluens Bæotia fl. *Cnopus* quoque Straboni *Asopus*. Homero herbidus cognominatus. *Evenus*, ante *Lycormas* Apollodoro & Strab. testibus. Fluvius est *Ætolia*. Montes celebres *Parnassus*, Lucano lib. v *Mons Phœbo Bromioque sacer*: in ipso totius Orbis medio Claudiano & Lucretio situs. *Helicon* Plinio Musis natale. *Hymettus* Melle, Marmore, & omni eo, quod ad Medicinam utile est, clarus. *Citheron*, a Cithara dictus Lactantio, quod illic frequenter hoc organum personaret & alii Poëtarum versibus decantati. Episcopatus porro in hac Tabula juxta Provinciale Romanum sunt: Archiepiscopus *Philippensis*, cujus Suffraganei *Christopolitanus*, *Dragonensis*, *Chrisopolitanus*. Arch. *Sereffanus* nullum habens Suffraganeum: Arch. *Thessalonicensis*, sub quo *Curensis*, *Veriensis*. Arch. *Laricensis*, sub quo *Dimitriensis*, *Almurensis*, *Armiro* credo *Cardicensis*, *Sidonensis*, *Dinucensis*, Arch. *Neopatenensis*, sub quo *Larietensis*. Archiep. *Thebanensis*, *Forocemenensis*, *Castoriensis*, Arch. *Atheniensis*, sub quo *Thermopylensis*, *Davalienensis*, *Salonenensis*, *Nigropontensis*, *Molgarensis*, *Megara* opinor, *Roonensis*, *Eginnensis*. Arch. *Corcyrensis* & *Duracensis*.

Regio & unde dicta.

Sinus.

Urbes

Flumina.

Montes.